



- EDITORIAL • RÂL VÊNGTU • CHHÛNGKAW CHANCHIN
- » BIAL THAR HAWN A NI
- » VIDEO CLIP & SLOGAN INTIHSIAK LAWMMAN SEM A NI
- » PASTOR LEH PRO. PASTOR TE AWMNA TUR HRANG HRANG

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXVI

No. 1

E-mail: synodnews@gmail.com

JANUARY 2021

LÂWRKHAWM

MIZORAM PRESBYTERIAN KOHHRAN DIN TAN NI

January 11 (Thawhtanni) hi Mizoram Presbyterian Kohhran din tan ni a ni a, kuminah hian thupui pahni siam niin, "Mizoram Presbyterian Kohhran leh Harhna" tih leh "Mizoram Presbyterian Kohhran ringtute tih tûr" tih thupui te zir ho tûra ruahman a ni a. Mahse, hriêng avângin kum danga kan hman angin he ni hi hman hleihtheih a ni lo thung.

January 11, hi Kohhran Ni pawimawh a nih avângin Synod Office leh Synod hnuai department hrang hrangte khâr thin a ni baw.

GENERAL MANAGER THAR

SEC 287 (10-12.11.2020) chuan PRESCOM General Manager Pu Lalhrutluanga Râtê a pension tâk avângin General Manager thar atân Upa H. Ronghâka, Addl. Editor, SL & PB chu a thlang a. January 6, 2021 khân General Manager dah nghehna hun hi hman niin hemi ni aţang hian a hna a thawk tan ngêh a ni.

PRINCIPAL, SHSS

Synod Higher Secondary School Principal t anglai Pu Lalvêna Hnamte chu a pension tâk avângin Synod 2020 chuan Principal (2021-2023) atân Pi Zirkungi Chhakchhuak, Vice Principal tang lai chu a thlang a. January 6, 2021 aţangin a hna hi a zawm ngêh a ni.

COUNSELLING CENTRE THAR HAWN LEH COUNSELLOR DAH NGHET

Family Guidance & Counselling Centre Serchhip-a Counsellor tûrin Rev. Rolungmuana Zadeng chu ni 9.1.2021 (Inrinni) khân Rev. B. Sângthanga, Executive Secretary i/c FG & CC in a dah ngêh.

Tin, ni 13.1.2021 (Nilaini) khân Lunglei FG & CC-a Counsellor tûrin Rev. Lalnunthara chu Rev. Lalsângbera, Director, FG & CC-in a dah ngêh baw.

Ni 17.1.2021 (Pathianni) khân FG & CC, Khawzâwl Centre chu Mizoram Synod Moderator Rev. Dr. C. Lalhlira a hawng a. Hetih rual hian Counsellor tûr Rev. James Lalremmawia dah nghehna hun a hman ngêh baw a ni.

Tûnah hian Mizoram chhûngah Family Guidance & Counselling Centre hi hmun kuaah din tawh a ni a. Heng Centre-te hi a mamawhtute tâna tangkai taka hman zui zêl niin, mamawhtute tâna pan manhla tak ni chhonzawm zel se a duhawm hle.

Synod Moderator Kum Thar Thuchah

KUM THARAH PATHIAN DUH DAN ANG ZELIN



Rev. Dr. C. Lalhlira
Moderator

Kohhran mite zawng zawng kan Lalpa Isua Krista hmingin chibai ka bûk a che u.

Kum 2020 liam ta kha hripui lêng avângin mi tinte kan nunphung a buai hle a. Kan khawsak phung min ti khaihlakin, kan taksa mamawh ei bâr zawna kawngah te, chhûngkaw inrêlbâwlina kawngah te leh zirlaite lehkha zir kawngah te min tikhaihlakin, kan nih tûr âwma ngaih kan ni phâk lo nasa hle mai a. Thlarau lamah pawh ringtute kan intihchak tawna leh Pathian chibai bûka a rawng kan bâwlina – inkhâwm te, Sunday School te, Pathian thusawi ngaihlâk te, Lalpa Zanriah Sakramen chan ho te, fak hla sak te pawh – kan ti thei lo a nih kha. Khawvêl pumpuiah hripui lêngin mi tam tak natna a thlenin nunna maktaduai tam tak a suat a. Keini Mizote zînga mi pawh sâwm tha zet thihpui an awm a nih kha.

Kum tharah beiseina thar: Khatiang hripui lêng kâra kum thar kan han chuangkai leh hi kan Pathian kut chak taka hruai leh hual hima kan awm vâng a ni e. Kum thar min hruai thlang tawh a, amah bawkin kan mamawh chi hrang hrang min pê ang tih ringin, kan hna thawh kawng hrang hrangah te taihmâk chhuah lehzuai ila. Amah kan biak leh chibai kan bûkna – in lama chhûngkuua kan biakna te, Biak Ina kan inkhâwma kan biakna te pawh urhsûn lehzuai sauh ila. Kohhran mite (Mizo Kristiante) hian kan Pathian kan thin leh zahna hi kan thiam leh theih anga nasaa kan lantir hi a tûl tawh takzet a ni. Hripui hi kiang zêl tûrin beisei ila. Kan nunphung pângngai kan zawh thei a nih pawhin Pathian hriatna leh amah ngaichang chung zêlin kan hun leh nunte hi hman

ila; tichuan, amah nêni tina inkâwm chung zêlin thlamuang tak leh lungawi takin kum kan hman ral leh thei ang.

Hun bi mila insiamrem: Pathianin mihringte hi hun bi min siamsak a, kan khawsakna ram sik leh saa thuin chûng hun bite chu hming kan lo pe sa. Keini chuan Nipui, Fûr, Favàng, Thlasik, tiin kan sawi thin. Hêng sik leh sâ hun bite hian kan nunphung a kaihuai a; kan eizawna te, kan hna thawhte pawh he mi mila kan lo insiamrem thiam hian mi hlawhtling nih a awl deuh ngei ang. Lo neitute tân thlai chinna buatsaih te, thlai chi lo lâk khâwm te, hnathawh tûr inruahman te, hun bi her mila insiamrem a pawimawh. Sawrkâr lam hnathawhah pawh hei hi a dik tho. Fûrpu thlen hmaa lo incheh ngah leh kawng siam te a tûl ang chu.

Leilung hausakna dimdâwih leh duat: Kan rama lui leh khawmuala nungcha te, thing leh mau te, ram leilung te pawh hi kan mamawh tâwk aia nasaa tuk chereu leh suasam hi sim thei ila a tha khawp mai. Pathianin a duh taka a siam, kan mamawh anga hman tangkai tûra min pêk a nih rualin dimdawi leh duat taka enkawl hna min pe tel baw tih kan hriat a ngai hle. Mihringten thilsiam dangte duat nachang kan hriat hian keimahni tân a tha baw a ni tih te hre chungin, Pathian duh zâwng ngaichang chung zêlin Pathianin leilung hausakna min pêkte hi hman tangkai chungin i enkawl tha ang u.

SYNOD OFFICE HAWN A NI

Kum 2021 atân Synod office chu January 6, 2021 (Nilaini) aţang khân hawn tan a ni leh ta a. Synod Office hawn ni hian Devotion-ah Synod Moderator Rev. Dr. C. Lalhlira'n hun a hman a, fuihna thuchah sawiin



inhlan tharna hun hman a ni. Moderator chuan, "Khawngaihna leh rawngbâwl hna" tih thupui hmaning thawktute a fuih a. Hêng kan hna zawng zawng hi Pathian min pêk a ni a, khawngaihna avâng a ni a, inpêkna tak tak nêna kan thawh a ngai a ni. Chumi tûr chuan kan taksa leh kan Thlarau kan tihchhel a pawimawh a ni, tiin thawktute fuihna thu a sawi a ni. Hemi ni hian Office-a mawhpurhna thar neite pawhin an hna an zawm ngêh a ni. Synod Pisa kai hun hi February 2021 thlengin zîng dâr 9:30 aţanga tlai dâr 4 thlang a ni.

SYNOD Newsletter

EDITORIAL STAFF

Rev. Dr. C. Chawngmingliana

Rev. B. Sângthanga

Upa H. Ronghâka

Upa C. Thanga

Editorial


THLEN CHIN AṬANGA HMASÂWN

Thilsiam dang rêng rêngte hi chu an awmdân leh nunphung hi a pangngai reng mai. Tlaiberh bu chheh dân te, fanghmir bu chheh dân te hi a danglam ve ngai lo, a ngai reng mai. Mihringte erawh chu Pathianin danglam bik taka a siam kan ni a. Kan awmdân leh nunphungte hi a danglam nasa hle tawh a ni. Pathianin a siam tih khân thuamhnaw engmah inbel lovin an khawsa mai. Chuta tang chuan siap-suap fêngin nunphung leh khawsak tinrêngah an danglam nasa hle a ni. A ṭha zâwng leh dinhmun sâng zâwk lam pana danglamna hi hmasâwnna chu a ni ber mai a.

Hmasâwn tûr chuan danglam a ngai a, danglam lovin hma a sâwn theih loh. Hmasâwnna chu Pathian hriatna nêa a kal dun zêl a ngai. Pathian thu ni lo va hmasâwnna chu chhiatna zakhua mai a ni. Nova hun laia mihring nun leh khawsakphung hmasâwnna kha a sâng hle mai. Mahse, Pathian thu awih lohna nêa hmasâwnna chuan Pathian thinur a kai tho mai chauh zâwk a ni. Tuilêt hmangin mihring nun bawihhlawh chu then thianglim a ni a, a râpthlâk hle mai. Tuilêt hnua hmasâwnna pawh kha a ropui khawp mai. Leirawhchan hmanga vân tawnga in sa thei ni a inhriatna khawp hmasâwnna kha chu a nêp lo hle ang. Mahse, Lalpan a enin an in sâng sak chhonzawm zêl chu rem a ti tlat lo. Sa zawm thei lo tûrin Pathianin ruahmanna a siam thiam ngei mai. Ṭawng an inhriat tawn theih loh nân an ṭawng a tihhransak a, an in sak lai chu an chhonzawm thei ta lo a nih kha. Chuvâng chuan hmasâwnna chu Pathian thu awihna nêa a kal dun ngei tûr a ni. George MacDonald-an "Hmasâwnna rêng rêng Pathian lam hawi ni lo chu chhiatna vek a ni," a tih hi a dik ngawt mai. Ringtute pawh hi kawng tinrênga kan thlen chin aṭanga hmasâwn tûa duan kan ni.

KRISTIAN DIARY 2021

Presbyterian Church of India, Mizoram Synod leh Kohhran thawh hona lam thu chi hrang hrang bengvarthlâk tak tak chuanna KRISTIAN DIARY 2021 chu Synod Bookroom Branch hrang hrangah lei theihin a awm. A hmang ṭhînten an zawngchhang zêl. A man ₹200/-.



SOCIAL FRONT BUATSIAH VIDEO CLIP & SLOGAN LAWMMAN SEM

Synod Social Front Committee leh CKṬP ṭangkawp chuan Synod 2017 leh 2018 Thurêl bawhzuiin HIV/AIDS leh Ruihhlo dona kawng khat atân Video Clip leh Slogans intihsiakna Branch KṬP te tân a buatsaih a, Dec. 14, 2020 (Thawhṭanni) khân intihsiakna result te hi Synfo Studio-ah puan a ni.

Video Clip intihsiaknaa lâwmman dawngtute chu -

Pakhatna	: Mission Vêngthlang Branch KṬP (₹ 30000/- leh thuziak)
Pahnihna	: Khatla Branch KṬP (₹ 20000/- leh thuziak)
Pathumna	: Vênghnua Branch KṬP (₹ 10000/- leh thuziak)

Hêng bâkah hian a ti ṭha zual sâwm zînga tel Branch pasarih hnênah Consolation Prize Rs. 3000/- leh thuziak hlan ṭheuh an ni bawh.

Slogans intihsiaknaa lâwmman dawngtute chu -

Pakhatna	: Bethlehem Vênglai Branch KṬP (₹ 5000/- leh thuziak)
Pahnihna	: Lêngpui Branch KṬP (₹ 3000/- leh thuziak)
Pathumna	: Suangpuilâwn Branch KṬP (₹ 2000/- leh thuziak)

Hemi bâkah hian a ti ṭha zual sâwm zînga tel dang pasarih hnênah ₹ 1000/- leh thuziak pêk ṭheuh an ni bawh.

He intihsiaknaah hian Branch 83 aṭangin video clip 115 thehluh a ni a, Slogan hi Branch KṬP 96 aṭangin 1000 thehluh a ni bawh.

Video Clip intihsiaknaa ti ṭha zual 10 te hi CKṬP Youtube channel-ah upload an ni a, Slogan a ti ṭha te hi sticker leh Hoarding atân te hman tûr a ni bawh.



CENTRAL KRISTIAN ṬHALAI PAWL

Pathian Hnaih crusade

Nov. 29 - Dec. 1, 2020 zân dâr 8:00 - 10:00 chhûng khân Central KṬP chuan Chanmari Kohhran Hall-ah Pathian Hnaih TV Live Crusade an buatsaih.

Pathian Hnaih Crusade-ah hian Rev. Lalzuithanga, Pu Malsâwmthara, Revival Speaker leh Rev. Remlalfaka te speaker atan hman an ni a. Zaithiam - Fiona Lalmalsâwmi, Cindy Lalthanpuui, Andrew K. Lalchhandama, R. Lalrinmawii, Isaac Lalhruaitluanga, C. Lalrindiki, Melody Lalziriani, David Vânlalpêka, Wendy Zaithanpuui, Lalfamkima, H. Lalremruati leh Zoramchhani ten thusawi kâr lakah Pathian fakna hla sain hun an hmang a, hêng zaithiamho hi Praise Group-ah hman ngah an ni.


CKṬP leh SYNFO ten Krismas leh kum thar vuakvêtah programme siam

SYNFO leh CKṬP te chuan Krismas leh Kumthar vuakvêtah TV kaltlanga rawngbâwlna programme ṭum hnih an buatsaih.

December 22, 2020 (Thawhlehi) zân dâr 8:00-a Hruaina Êng channel leh Synod Information YouTube channel-a tihchhuah tûrin Krismas Urlâwk programme siam a ni a, Dec. 19, 2020 (Inrinni) khân SYNFO Studio-

ah recording tih a ni. Synod Choir an zai a, Rev. Malsâwmzolianna, SYNFO Comt., Upa Rochungnunga, CKṬP General Secretary, Pu Chris MS Dawngkima, Ramhlun North leh NI. Lalhruaitluangi, Republic Vêngthlang ten zai kâr lakah nun khawih thutâwi (inspirational speech) an sawi. Tv. Andrew Laltlankima, Tv. Zorinsanga Sailo, NI. Fiona Lalmalsâwmi Pachuau leh NI. Chalthanmawii te an zai bawh.

Dec. 30, 2020 (Nilaini) zân dâr 8:00 - 10:00 chhûng khân Dâwruip Kohhran Hall-ah Kumthar Thlahna leh Kumthar Hmuahna TV LIVE programme an buatsaih a. Rev. Remlalfaka, SYNFO Comt. Member-in programme hi hruaiin, Rev. K. Lalrinmawia, Executive Secretary i/c KṬP & SYNFO chuan thuchah a sawi. Zaithiam zai leh zai ho a awm bawh.



Râl Vêngtu

Mite chu Râl Vêngtu **khabe liam châng** tûrin an lo kal khâwm a. Râl Vêngtu chuan, "Hetia in lo lên khâwm tâkah chuan ka **ha hawlh zâwnge** ka'n **chhim thal bekang puahpui** mai a ni ang chu," a ti a. Râl Vêngtu chuan a ha hawlh zâwnge chu a sawi ta a.

"Covid-19 hri lêng in hlah dân hi **chukchu ben theih** in ang a. Hri kai an tîem deuhvin in ngai a tha hma lutuk a. 'Phungpuinu awm ta lo ve' ti ni awm takin thlamuang leh zâlên takin in awm a. 'Tûnah chuan a inkhâwm theih tawh ang', 'sawrkâr hian inkhârkhipna pawh hi sût tawh se a tha ang', 'Bazar-ah mipui an insûlpêl zut zut a, inkhâwm lah an khap tlat baw si, sawrkâr leh Doctor-te thu thuin em ni Kohhran hi kan awm dâwn?', 'Bazar leh khawlaiah chuan hri a awm lo, Biak Inah chuan hri tam tak a awm, chuvâng chuan inkhâwm an phal lo' tiin in **nu tîng bo ân** nghek nghek ringawt mai. Hri lah hian kian zai rêng a rêl baw si lo. Ngawi reng hian in bulah a tawh a tawh a ni tih in hre dêr si lo. Chutih lai tak chuan in hriat loh hlânin hripui chu **vangvat kai** takin in kai leh nawlh nawlh zêl baw si. Hri kai thar an han tam deuh lah in hlah namên lovin in hlah leh si. Sawrkâr leh Doctor thiam zâwk ten Zoram mipui tâna tha ber tûra ruahmanna an siam hi **i-he lovin** 'thik he sap' tiin lungsi takin pawm hmak ula in tâna tha ber ang. Sâp-ho zâlênna duh lutuk, inkhârkhip ngai thei loho khu en teh u, an tuar nasat êm khu! Ei tam i duh chuan ei tîem rawh tih thufing hi lo zir deuh teh u," a ti ta duah a.

Mite chuan, "Râl Vêngtu thusawi chu a dik viau mai a, awih ngei chi a ni e," tiin an in lamah an haw leh ta dam dam a.

BIAL THAR HAWNG

Kum 2020 Synod Inkhâwmpui chuan Pastor Bial thar sâwm leh pahni zet a hawng thar a. Chûng bial hawn tharte chu hêngte hi an ni -

1. Chawlhmun Bial
2. Nursery Vêng Bial
3. Melriat Bial
4. Saitual Chhim Vêng Bial
5. Thênzawl Vêngthlang Bial
6. Khuanglêng South Bial
7. Khawbung Vêngpui Bial
8. W. Phailêng Dinthar Bial
9. Jugicherra Bial
10. Masihi Sangati, Khawthlang Bial
11. Masihi Sangati, Chhimtuipui Bial
12. S. Munnuam Bial, Manipur

SYNOD HOSPITAL, DURLÂNG THILPÊK DAWNTE (OCTOBER, 2020)

I. CHARITY FUND:

1. Maubaw West Kohhran Hmeichhia, Aizawl	₹	30,000/-
2. Dr. Lalmalsâwma, D-3 BusinessEnterprises, Ramhlun	₹	3,000/-
3. Republic Bial Kohhran Hmeichhia	₹	30,000/-
4. R. Lalrinmawia, Durlâng Mêl - 5	₹	1,000/-
5. Keitum Kohhran	₹	5,000/-
6. Sihphir Kohhran Pavalai Pâwl	₹	5,000/-
7. Pi Lalremi M/o R.C.Lalrêngpui, Zemabâwk North	₹	2,500/-
8. Thuampui Bial Kohhran Hmeichhia	₹	20,000/-
9. Khawlaung Dinthar Bial	₹	20,000/-
10. Bilkhawthlir Hmârvêng Kohhran	₹	10,000/-
11. Pu Zodinlana, Mission Vêng	₹	1,500/-
12. Mamit Bazar Vêng Kohhran	₹	7,000/-

II. GRACE HOME TANA PE :

1. Zonam Kohhran Hmeichhia, Aizawl	₹	20,000/-
2. Thuampui Bial Kohhran Hmeichhia, Aizawl	₹	20,000/-
3. Champhai Vêngthlang Kohhran Hmeichhia	₹	30,000/-

III. THISEN PETUTE

	UNIT ZÂT
1. KTP, Bethlehem Vêngthlang Branch	31
2. Mizoram Gurkha Youth Association, Bâwngkawn Branch	28
3. KTP, Durlâng North Branch	20
4. KTP, Ramhlun Vêngchung Branch	17
5. KTP, Dinthar Vêngthlang Branch, Aizawl	23
6. KTP, Ramhlun Sport Complex Branch	18
7. KTP, Dâwruip Vêngthar Branch	24

IV. THIL DANG PETUTE :

1. Pu Rochunga, Saiphai Zero Point	IV Stand 16
2. Khatla Bial	ICU-a Patient Monitor leina tûr ₹ 3,00,000/-
3. Vaivakawn Kohhran Pavalai Pâwl	Thutthleng 2 seater pahni leh 1 seater pahni Cushion tel tha tak min pe
4. Pu R.Vânaltluanga, Bethlehem Vêng,	Syr. M-Cid-O, Case 24, ₹ 2,01,600/- man min pe
5. Dr. Lalmalsâwma, President, Mizoram Pradesh Congress Committee	RAT Test Kit lei nân ₹ 1,00,000/- min pe
6. Upa P.C Bawitluanga, Laipuitlâng	A nupui Pi Rualchhingi (L) hriatreng nân Eye Unit tan Water Cooler tha tak min pe
7. Pu Thanhluipua, Upper Republic, Aizawl	Lâwmna Ward tân ₹ 5,000/- min pe
8. YMA, Chanmari Branch, Aizawl	Mitthi Khuhna puan 30
9. Leitan Kohhran Pavalai Pâwl	Triage bul Waiting Shed chhuat chhûn hnatlâng mi 27 leh Power Tiller nân min neihpui.
10. Pu Lalchhandama Râtê, Durlâng Leitan TrueNat khâwl leina tûr	₹ 15,00,000/-

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Hêng in thilpêk kan dawnte hian dam lo awm man harsate thlamuang takin a awmtîr bâkah Hospital mamawh tam tak min puhruk-sak baw a ni.

Sd/- REV. R. RAMDINMAWIA
Chaplain

HNA RUAK DIL THEIH

Mizoram Presbyterian Kohhran hnuaiah a hnuaia hnate hi a ruak a, kum 18-35 inkâr, ni 16.2.2021-a kum 18 tling, kum 35 la pumhlûm lo, zûk leh hmuama fihlîm, Presbyterian Kohhran mi tân dîl theih a ni. Hna dîlna Form chu ni 18.1.2021 (Thawhtanni) aţangin Synod Office (Aizawl leh Lunglei)-ah lâk chhuah theih a ni ang. Dîlna hi Synod Office, Aizawl-ah theih tûr a ni a. Application form man ₹ 20/- a ni. Hna dîlna Form-ah hriat tûr pawimawh tihlan a ni ang.

1. Hna hming	: Asst. Coordinator (Regular) Synod Office Post - 2
Thiamna	: Graduate of any recognised university.
Hlawh	: PM L-8, ₹ 19,300/-
2. Hna hming	: Assistant Manager (Contract), Synod Press Post - 1
Thiamna	: Diploma in Printing Technology from any recognised university or Graduate in Commerce from any recognised university.
Hlawh	: ₹ 19,320/- fixed.

Dil theih hun chhûng	: Dt. 16.2.2021 (Thawhlehi), 3:00 pm thleng)
Screening test/exam	: Dt. 22.2.2021 (Thawhtanni), 10:30 am
Interview	: Dt. 2.3.2021 (Thawhlehi), 11:00 am

Sd/- (REV. LIANHMINGTHANGA SAILO)
Secretary, Synod Service Board
Synod Office

KOHRAN PAVALAI DIN TAN NI

Kum 2020 Synod Inkhâwmpui rorêl 19-na in a pawm angin Kohhran Pavalai Pâwl din tan ni atân July 21, 2004 chu tihngheh a ni.

MISSIONARY TRAINING COLLEGE HRIATTIRNA

Missionary Training Centre (MTC)-ah Bachelor of Missiology (B. Miss) zir duh tân dîl theih a ni leh ta. Dîlna Form leh Prospectus hi ₹ 50/- in office hun chhûngin MTC Office aţangin lâk chhuah theih a ni e.

Dîl thei chin	: CI XII pass chin
Dîlna theih hun hnuhnung	: 31 March, 2021
Entrance Test	: 14 April, 2021 (9:30 AM @ MTC)
Interview	: 16 April, 2021 (10:30 AM @ Synod Committee Room I)

(Hemi chungchang hriattirna chhuah tawh kha tuna mi ang hian tihdanglam a ni e)

Sd/- Principal
Missionary Training Centre
Mission Vêngthlang
2310157 / 2301337 / 9612164982

REVIVAL RAWNGBÂWLNA

Kum 2020 December thla chhûng khân Synfo, LPS1 leh Zonet Cable neitute nân tângkawpin Live TV Crusade hlawhtling takin tûm hnih neih a ni a. Aizawl khaw pâwn hmun hrang hrang 26-ah Street Preaching neih hêngah te hian Revival Speaker-te leh zaithamte tih chhuah an ni.

Tin, Krismas leh Kum thar vuakvêl chhûng khân Revival Speaker-te group hrang hrang 12-ah inthen darhin team member thenkhatte nân Operation Nehemia rawngbâwlina ni sarih leh zan sarih neih leh a ni baw. Rangvamual bîkah hian tûlna avângin beihpui hi thlâk chhunzawm zêl a ni.

"Kei LALPA in Pathian hian 'Hlau suh u, ka ţanpui dâwn a che u,' tiin, in kut ding lam chu ka chelh dâwn si a."
(Isaia 41:13)

MINISTER TERM HMANG ZO TE LEH AN AWMNA TUR

Minister/Pastor eng emaw zât chu an awmna bial/hmuna an awm hun chhûng tûr bituk a zawh tâk avângin hetiang hian an awmna bial siam rem a ni a. Ni 10 January, 2021 (Pathianni) khân an awmna tûra ruat Bial hrang hrangah Induction Service neihpuiin dah ngheh an ni. Hetiang hi Pastor insawn leh an awmna tûr bialte chu a ni –

Sl. Hming	Awmna tûr
1. Rev. R. Laldinthara	Thuampui
2. Rev. Lalbiaknia	Mission Vêngthlang
3. Rev. K.C. Vanlalduha	Zonuam
4. Rev. R.S. Rokima	Bethlehem Vênglai
5. Rev. Lalbiakchhûnga Pachuau	Ramthar Vêng
6. Rev. Dr. C. Lalramliana	Maubâwk
7. Rev. Dr. Lalhmachhuana	Bâwngkâwn Bethel
8. Rev. Vânlalmuanpuia Kiangte	Mission Vêng
9. Rev. R. Lalhmangaiha	Zuangtui
10. Rev. J.H. Zaikima	Leitan
11. Rev. H. Lalmuanchhana	Chawhmun
	(Bial thar)
12. Rev. Pusham Rekhung	Maduripathar,
	Arunachal W
13. Rev. V. Lalkima	Chaltlâng
14. Rev. P.C. Lalbiaktluanga	Reiêk
15. Chinmoy Purkayastha	Pailapool (Bengali)
16. Rev. Lalrintluanga Ngêntê	Melriat (Bial thar)
17. Rev. Lalzawmliana Vâtê	Lunglei Vênglai
18. Rev. R.T. Lianthanga	Himali
19. Rev. Lalremruata	Sêrchhîp Vêngchung
20. Rev. K. Zonunsânga	Sairâng
21. Rev. P.C. Lalrinchhuanga	Saitual Chhîm Vêng
	(Bial thar)
22. Rev. G.S. Ropianga	E. Lungdâr
23. Rev. Thanhnûna	Sairâng Dinthar
24. Rev. C. Lalsânglûra	Chhiahtlâng Kâwn Vêng
25. Rev. Dr. Hmingthansânga	Shillong
26. Rev. F. Lianthangpuia	Dârâwn Vênghlun
27. Rev. Lalzidinga	Khawhai North
28. Rev. F.H. Kâpkhûma	W. Phailêng Dinthar
	Vêng (Bial thar)
29. Rev. Zairemtluanga	Hmuntha
30. Rev. Lalmuanpuia	Kawrtethawveng
31. Rev. Isaaka	Hortoki
32. Rev. F. Lalrammawia	Khuanglêng 'S'
	(Bial thar)
33. Rev. K. Lalzârzova	Suangpuiâwn
34. Rev. Lalawmawia	Damparêngpui
35. Rev. B. Vânlalfaka	Zamuang
36. Rev. S. Lalrinzuala	Haulawng
37. Rev. Vânlalzuala	Jugicherra,
	Barak (Bial thar)
38. Rev. K. Lalduhawma	Silchar (Mizo)
39. Rev. Albert Lalnunzâma	Dhaka, Jharkhand
40. Rev. C. Lalchhuanliana	North Delhi
41. Rev. K. Lalchunglûra	Ṭawipui North II
42. Rev. K. Lalniêngmawia	Tuipuibari
43. Rev. Vânlalchhûnga	Hailakandi
44. Rev. B. Lalhmingmawia	Khawbung Vêngpui
	(Bial thar)
45. Rev. Zonunsânga	Phainuam
46. Rev. Lalrinmawia Hmâr	Suarhliap
47. Rev. P. Laltlanhlua	Thaidawr
48. Rev. K. Zoremthanga	Itanagar, Arunachal W

PASTOR NEMNGHEH THARTE LEH AN AWMNA TUR

Probationary Pastor thawk lai Pastor atana nemngheh tâk, heng a hnuaia mite hi ni 10 January, 2021 (Pathianni) khân an awmna tûra ruat Bial hrang hrangah Induction Service neih pui an ni a. Hetiang hi an awmna tûr bialte chu a ni –

Sl. Hming	Awmna tûr
Pastoral	
1. Rev. Joel Lianrinzuala	Dehradun
2. Rev. C. Lalnuntluanga	Pakur, Jharkhand
3. Rev. Lalṭhazuala	Thrizino, Arunachal W
4. Rev. Lalzedanga	Dumka, Jharkhand
5. Rev. K.C. Lalhlmpuia	Lala, Barak Area
6. Rev. R. Zahmingliana	Bomdila, Arunachal W
7. Rev. F. Lalpantluanga	Gilakuta, Odisha
8. Rev. Jerry R. Lalrinkima	Patna
9. Rev. R. Lalramliana	Zâtê,
	Cachar Tlângram
Synod Mission Board	
1. Rev. R. Lalmawizuala	Damak, Nepal
2. Rev. Jerry H. Lalrinchhana	Aalo, Arunachal North
3. Rev. R. Lalfakawma	Tato, Arunachal North
Field Worker	
1. Rev. Deep Chand	Lucknow South
Heng mite hi ni 9 May, 2021-ah Induction neih tûra ruahman a ni baw –	
1. Rev. Lalfakzuala	Vaivakâwn
2. Rev. Lalrinfela Pachuau	Champhai Vêngthlang
3. Rev. R. Vânlalngêna	Sumsuih
4. Rev. Laldinpuia Hrânleh	Tlungvêl Vêngthar
5. Rev. Jerome Lalchhuanga	Thênzâwl Vêngthlang
	(Bial thar)
6. Rev. R.C. Lalchhuanthanga	Lêngpui
7. Rev. Lalvênsânga	Maniktala, Kolkata
8. Rev. Johnny Lalremfela	Phûlungsei
9. Rev. T. Lalṭhafamkima	Khawlailung
10. Rev. Lalrintluanga Râlê	MS, Mamit Lungsîr
	(Bial thar)

AWMNA BIAL SIAM REM

Minister leh Pastor thenkhat chu an awmna bial siam rem a ni a. Hetiang hian bialtu tûr leh an awmna tûr bialte chu siam rem a ni –

Sl. Hming	Awmna tûr
Pastoral	
1. Rev. Vânsawma	Tlângnuam
2. Rev. Lalchawimawia	Zemabâwk
3. Rev. C. Lalrintluanga	Muallungthu
4. Rev. F. Lalchhuanawma	Nursery Vêng
	(Bial thar)
5. Rev. Lalchhandama	Lunglei Chanmari
6. Rev. Jayanta Marak	Udharbond, Barak
7. Rev. Zorammuana (SMB)	MS, Lawngtlai
8. Rev. Matsam Bo (FW)	Miao, Arunachal E
Tin, Pro Pastor thawk lai thenkhat hetiang hian an awmna hmuna siam rem a ni baw –	
1. P/P Dr. Joseph H. Lalfakmawia	Hunthar Vêng
2. P/P Zosangliana Rokhûm	Keifâng
3. P/P Hminga Pachuau	Electric Vêng
4. P/P Lalruatfela Kiangte	Kolsib Vênglai
5. P/P Dr. Malsâwmtluanga	Thingsûlthliah

6. P/P K. Lallâwmkima	Sêrchhîp
7. P/P Stephen B. Chhuanvâwra	Armed Vêng
8. P/P Robert Lalsiamliana	Bâwngkâwn
9. P/P Robert Lalduhkima	Ruantlâng
10. P/P Lalthansânga	Khatla

Manipur Area Pastor leh Probationary Pastor-te hetiang hian an awmna hmuna siam rem a ni baw –

1. Rev. K. Jama Vaiphei	Lamka
2. Rev. Thianganlim	S. Munnuam
	(Bial thar)
3. Rev. Thangneipau	Panglian
4. Rev. Ngunthanmawia Sailo	Imphal
5. Rev. Lalpiaklian	D. Khawzim
6. Rev. Hesei Vaiphei	Leilon
7. Rev. Khaisonthang	Kawlhen

Nemngheh thar

1. Rev. Siamlalron Neihisial	Phailianbung
------------------------------	--------------

Pro. Pastor awmna hmuna siamrem

1. P/P Khuplemlal	Lamka
-------------------	-------

KRISTIAN TLÂNGAU LEH KRISTIAN NAUPANG MAN PÊK DÂN

Kristian Tlângau leh Kristian Naupang Chanchinbu man hetiangin a pêk theih e.

1. Synod Office, Aizâwlah mahni ngei kalin emaw mi dang kuta thawnin emaw a pêk theih.
2. Dâk (Post Office) kal tlangin Money Order hmangin a pêk theih a. Thawna tûr address chu hetiang hi a ni.

The Circulation Manager,
Kristian Tlângau Chanchinbu,
Synod Office, Aizâwl,
Mizoram - 796 001

3. Bank kal tlangin a pêk theih baw, hetiang hian
 - (1) Account Holder : MPC, SYNOD
Account Number : 10665620059
Bank : **State Bank of India**
Branch : Mission Vêng Branch
IFSC : SBIN0007058
 - (2) Account Holder : MPC, SYNOD
Account Number : 25047048954
Bank : **Mizoram Rural Bank**
Branch : Khatla Branch
IFSC : SBINORRMIGB
 - (3) Account Holder : MPC, SYNOD
Account Number : 001101820000093
Bank : **MC Apex Bank**
Branch : Centenary Branch
IFSC : YESBOMAB007

Bank kal tlanga pete chuan an pêk veleh an pêkna receipt an *screenshot* ang a, Agent hming leh address kimchang nê a hnuaia Phone No. kan dahah hian Whatsapp leh remchâng dang hmangin thawn nghal tûr a ni.

Thawna tur : PU LALFAKZUALA
Phone No. : +919862473218

Sd/- REV. DR. C. CHAWNGHMINGLIANA
Editor
Synod Literature & Publication Board